

Garis Panduan

Skim Pinjaman Yuran Pengajian Di Luar Negara Sesi 2/2011

Untuk Peringkat Ijazah Pertama

1.0 Prinsip Dan Konsep Pinjaman

Kerajaan pada prinsipnya mengalakkan pelajar-pelajar mengikuti pengajian di dalam negara selaras dengan hasrat kerajaan untuk menjadikan Malaysia sebagai pusat kecemerlangan ilmu. Sehingga kini terdapat 20 buah Institut Pengajian Tinggi Awam (IPTA) dan lebih 500 Institut Pengajian Tinggi Swasta (IPTS) yang menawarkan pelbagai bidang pengajian kepada pelajar. Sungguhpun demikian, kerajaan menerima banyak permohonan daripada pelajar-pelajar persendirian yang sedang mengikuti pengajian di luar negara untuk mendapatkan bantuan kewangan. Sehubungan itu, kerajaan meluluskan Skim Pinjaman Yuran Pengajian Di Luar Negara Untuk Peringkat Ijazah Pertama bagi meringankan beban kewangan pelajar-pelajar persendirian di luar negara tertakluk kepada syarat dan kriteria yang tertentu.

Kemudahan pinjaman yang disediakan adalah berkonsepkan *cost sharing* di mana JPA akan membiayai yuran pengajian sahaja tertakluk kepada jumlah maksimum sebanyak RM 250,000.00 seorang bagi Program Pinjaman Khas Perubatan dan maksimum RM 200,000.00 seorang bagi Program Pinjaman Biasa. Had ini ditetapkan agar tidak membebankan pelajar-pelajar untuk membuat bayaran balik selepas tamat pengajian nanti. Lain-lain kos seperti bayaran yuran pengajian yang melebihi daripada jumlah pinjaman, sara hidup, rawatan kesihatan, tambang perjalanan, alat tulis, buku dan kerugian pertukaran wang asing adalah di bawah tanggungjawab pelajar sendiri.

2.0 Jenis-Jenis Pinjaman

Jenis-jenis pinjaman yang tawarkan adalah seperti berikut:-

2.1 Pinjaman Khas Perubatan

Pinjaman ini ditawarkan kepada pelajar-pelajar yang mengikuti pengajian dalam Bidang-Bidang Kritikal seperti yang dinyatakan di para 3.1 iaitu bidang Perubatan, Pergigian dan Farmasi. Pelajar-pelajar yang mendapat kemudahan pinjaman ini boleh dikecualikan daripada membayar balik pinjaman tersebut sekiranya pelajar bersetuju mengikat kontrak untuk berkhidmat dengan Kerajaan Malaysia selama 10 tahun selepas menamatkan pengajian dengan jayanya.

2.2 Pinjaman Biasa

Pinjaman ini ditawarkan kepada pelajar-pelajar yang mengikuti pengajian dalam Bidang-Bidang Keutamaan dan Bidang-Bidang Lain seperti yang dinyatakan di para 3.2 dan 3.3. Pelajar-pelajar yang mendapat kemudahan pinjaman ini dikehendaki untuk membayar balik keseluruhan jumlah pinjaman selepas menamatkan pengajian.

3.0 Bidang-Bidang Pengajian Yang Ditaja

Bidang-bidang pengajian yang ditaja terbahagi kepada 3 kategori umum seperti berikut:

3.1 Bidang-Bidang Kritikal

- Perubatan
- Pergigian
- Farmasi

3.2 Bidang-Bidang Keutamaan

- Sains Veterinar
- Sains dan Teknologi (kecuali Sains Komputer dan Teknologi Maklumat)
- Kejuruteraan (kecuali Elektrikal & Elektronik, Mekanikal dan Awam)
- Senibina/ RIBA Part II
- Perakaunan/ ACCA

3.3 Bidang-Bidang Lain (Sains Sosial & Sastera Ikhtisas)

- Undang-undang
- Ekonomi
- Kewangan/ Perbankan/ Pemasaran/ Perniagaan Antarabangsa
- Perhubungan Antarabangsa
- Komunikasi

Kursus-kursus yang ditaja hanya terdiri daripada kursus-kursus yang telah diiktiraf oleh Kerajaan Malaysia sahaja. Semakan pengiktirafan boleh dibuat melalui Portal JPA di alamat pengiktirafan.jpa.gov.my

4.0 Syarat-Syarat Dan Kriteria Permohonan

4.1 Syarat-Syarat Umum

- Warganegara Malaysia;
- Berumur di bawah 25 tahun pada 1 Januari pada tahun semasa permohonan dibuat;
- Belum mempunyai Ijazah Pertama;
- Ibu/ bapa/ adik-beradik/ pelajar bukan merupakan peminjam/ penjamin tegar kepada mana-mana skim pinjaman/ biasiswa kerajaan;
- Ibu/ bapa/ adik-beradik/ pelajar tidak mempunyai tunggakan bayaran balik pinjaman dan tidak disenarai hitamkan dalam mana-mana skim pinjaman kerajaan;
- Ibu/ bapa/ adik-beradik/ pelajar tidak pernah melanggar mana-mana kontrak biasiswa kerajaan;
- Hanya seorang daripada ahli keluarga sahaja yang layak mendapat pinjaman pada satu-satu masa. Permohonan ahli keluarga yang lain hanya akan dipertimbangkan selepas peminjam sebelumnya telah membuat bayaran balik pinjaman sekurang-kurangnya 6 bulan; dan
- Bagi program berkembar, pinjaman hanya diberikan untuk tempoh pengajian di luar negara sahaja.

4.2 Syarat-Syarat Khusus

4.2.1 Bidang-Bidang Kritikal

(Negara Pengajian: Ireland/ United Kingdom/ Australia/ New Zealand)

Program Sepenuh Masa

- Telah menyempurnakan pengajian tahun pertama dan kedua di luar negara;
- Tidak pernah gagal dalam mana-mana subjek pada tahun pertama dan kedua;
- Telah diterima masuk ke tahun ketiga pengajian di luar negara; dan
- Mengemukakan keputusan peperiksaan tahun pertama dan kedua semasa permohonan dikemukakan ke JPA.

Program Berkembar PMC-Ireland

- Telah menyempurnakan pengajian tahun pertama di luar negara;
- Tidak pernah gagal dalam mana-mana subjek pada tahun pertama;
- Telah diterima masuk ke tahun dua pengajian di luar negara; dan
- Mengemukakan keputusan peperiksaan tahun pertama semasa permohonan dikemukakan ke JPA.

Program Berkembar IMU

- Telah menyempurnakan pengajian peringkat pra-klinikal di dalam negara dan satu semester pengajian di luar negara;
- Tidak pernah gagal dalam mana-mana subjek di peringkat pra-klinikal dan semester pertama di luar negara;
- Telah diterima masuk ke tahun tiga pengajian di luar negara; dan
- Mengemukakan keputusan peperiksaan peringkat pra-klinikal dan semester pertama di luar negara semasa permohonan dikemukakan ke JPA.

Program Berkembar MELAKA MANIPAL

- Telah menyempurnakan pengajian tahun pertama di luar negara;
- Tidak pernah gagal dalam mana-mana subjek pada tahun pertama;
- Telah diterima masuk ke tahun dua pengajian di luar negara;
- Mendapat sekurang-kurangnya markah 70% pada peperiksaan tahun pertama; dan
- Mengemukakan keputusan peperiksaan tahun pertama semasa permohonan dikemukakan ke JPA.

(Negara Pengajian : Indonesia/ India/ Timur Tengah/ Republik Czech/ Rusia)

Program Sepenuh Masa

- Telah menyempurnakan pengajian tahun pertama di luar negara;
- Tidak pernah gagal dalam mana-mana subjek pada tahun pertama;
- Telah diterima masuk ke tahun dua pengajian di luar negara;
- Mendapat sekurang-kurangnya CGPA 3.00 atau setaraf bagi peperiksaan tahun pertama di luar negara; dan
- Mengemukakan keputusan peperiksaan tahun pertama semasa permohonan dikemukakan ke JPA.

4.2.2 Bidang-Bidang Keutamaan dan Bidang-Bidang Lain

(Negara Pengajian: Ireland/ United Kingdom/ Australia/ New Zealand/ Amerika Syarikat dan lain-lain)

Program Sepenuh Masa/ Program Berkembar/ Pindahan Kredit

- Telah menyempurnakan pengajian semester pertama di luar negara (bagi pelajar lepasan diploma/ perpindahan kredit) atau setahun pengajian di luar negara (bagi pelajar lepasan pra-universiti);
- Tidak pernah gagal dalam mana-mana subjek pada semester atau tahun pertama;
- Telah diterima masuk ke semester atau tahun pengajian seterusnya di luar negara;
- Mendapat sekurang-kurangnya CGPA 2.50 atau setaraf bagi kursus senibina; atau CGPA 2.75 atau setaraf bagi kursus-kursus lain; dan
- Mengemukakan keputusan peperiksaan semester pertama atau tahun pertama di luar negara semasa permohonan dikemukakan ke JPA.

5.0 Bayaran Balik Pinjaman

Bayaran balik pinjaman perlu dibuat selepas pelajar berjaya menamatkan pengajian atau ditamatkan pengajian kerana sebab-sebab seperti kelemahan akademik, sakit dan sebagainya. Bayaran secara ansuran bulanan adalah berdasarkan jumlah pinjaman yang dibuat.

Contoh jadual bayaran balik pinjaman sekiranya meminjam sebanyak RM250,000 dan RM200,000 adalah seperti berikut:-

Jenis Pinjaman	Jumlah Pinjaman	Bayaran Ansuran Bulanan
PINJAMAN KHAS PERUBATAN	RM 250,000.00	RM 600.00*60 Bulan
		RM 800.00*100 Bulan
		RM 1000.00*134 Bulan
PINJAMAN BIASA	RM 200,000.00	RM 400.00*40 Bulan
		RM 600.00*120 Bulan
		RM 800.00*140 Bulan

6.0 Maklumat Permohonan

- Tarikh Permohonan Dibuka/ Ditutup

Permohonan akan dibuka 2 kali setahun seperti berikut:

Sesi Pertama: Permohonan dibuka pada 1 Februari dan ditutup pada 28 Februari

Sesi Kedua: Permohonan dibuka pada 1 Julai dan ditutup pada 31 Julai

- Cara Membuat Permohonan

Permohonan hendaklah dibuat secara *online* di Portal JPA di alamat www.jpa.gov.my atau di Portal eSILA di alamat esilav2.jpa.gov.my dan disusuli dengan penghantaran dokumen-dokumen sokongan.

- Penghantaran Dokumen-Dokumen Sokongan

Dokumen-dokumen sokongan (*hardcopy*) hendaklah sampai ke JPA sebelum tarikh berikut:

Sesi Pertama: 7 Mac

Sesi Kedua: 8 Ogos

Dokumen-dokumen sokongan yang perlu disertakan ialah seperti berikut:-

1. Slip pengesahan penerimaan permohonan *online*;
2. Salinan Kad Pengenalan (Pelajar, ibubapa/ penjaga & adik-beradik);
3. Salinan Surat Beranak (Pelajar & ibubapa/ penjaga);
4. Salinan Pasport (Pelajar);
5. Salinan surat tawaran kemasukan ke universiti/ institusi (*Unconditional Offer*) dan disertakan maklumat kos yuran pengajian setahun dan sepanjang pengajian;
6. Salinan keputusan peperiksaan peringkat Ijazah Pertama untuk tahun-tahun sebelumnya;
7. Salinan Sijil STPM/ Matrikulasi/ Asasi/ Diploma /A-Level /IB /TER /Lain-lain yang setaraf;
8. Salinan Sijil SPM;

9. Maklumat pendapatan ibu bapa/ penjaga seperti berikut:

- Kerajaan – Slip gaji dan Borang EC terkini atau Kad Pesara berserta Penyata Pembayaran Pencen terkini
- Swasta – Slip gaji dan Borang EA terkini atau Surat Pengesahan Persaraan
- Bekerja Sendiri – Borang Pengesahan Pendapatan (Boleh dimuat turun di esilav2.jpa.gov.my) dan Borang B (LHDN)

10. Salinan “No Objection Certificate (NOC)” daripada Kementerian Pengajian Tinggi Malaysia untuk kursus perubatan, pergigian dan farmasi sahaja; dan

11. Salinan bukti bagaimana pemohon dapat menampung kos sara hidup dan lain-lain kos semasa mengikuti pengajian di luar negara. Contoh: salinan buku penyata bank, ASB dan lain-lain.

Semua dokumen sokongan mestilah disusun mengikut turutan seperti di Para 6.0, dikepilkan (*comb-binding*) dan disahkan oleh Pegawai Kerajaan dalam Kumpulan Pengurusan dan Profesional dan dihantar ke alamat seperti berikut:

Jabatan Perkhidmatan Awam Malaysia
Bahagian Pembangunan Modal Insan
Aras 5, Blok C1, Kompleks C
Pusat Pentadbiran Kerajaan Persekutuan
62510 Putrajaya
(u.p: Unit Penawaran Latihan Sebelum Perkhidmatan)

Permohonan yang tidak lengkap tidak akan diproses.

- Keputusan Permohonan

Keputusan permohonan akan dimaklumkan secara online di Portal JPA pada 23 September 2011.

7.0 Hak JPA

Pertimbangan adalah tertakluk kepada peruntukan yang ada serta perubahan dasar kerajaan dari semasa ke semasa. Oleh itu, JPA tidak terikat untuk meluluskan sebarang permohonan yang diterima walaupun permohonan tersebut memenuhi syarat-syarat dan kriteria yang telah ditetapkan;

JPA berhak untuk membuat sebarang perubahan kepada kemudahan pinjaman yang disediakan pada bila-bila masa termasuk syarat dan kriteria tanpa perlu mengemukakan sebarang notis pemberitahuan terlebih dahulu;

JPA berhak menarik balik tawaran pinjaman sekiranya didapati pemohon memberi maklumat palsu; dan

Permohonan yang tidak lengkap, tidak menepati arahan dan tidak memenuhi syarat kelayakan sebagaimana yang dinyatakan tidak akan dipertimbangkan.

8.0 Pertanyaan

Sebarang pertanyaan mengenai permohonan Skim Pinjaman Yuran Pengajian Luar di Negara boleh dibuat dengan menghubungi:

Jabatan Perkhidmatan Awam Malaysia
Bahagian Pembangunan Modal Insan
Aras 5, Blok C1, Kompleks C
Pusat Pentadbiran Kerajaan Persekutuan
62510 Putrajaya
(u.p: Unit Penawaran Latihan Sebelum Perkhidmatan)

Tel :03-8885 3436/ 3892/ 3564

Faks :03-8889 2172

E-mail : pinjaman.yuran@jpa.gov.my